

## CAPU IV Gestiones - Finàntzia e contabilidade

### Art. 26 - (Faina gestionale de s'Unione)

1. Sa gestione de s'Unione si depet ispirare a critèrios de eficatzidade, efitzèntzia e economitzidade e depet garantire su parègiu de su bilantzu, de persighire a traessu s'echilibriu costante de is custos e de is ricavos, cumpresos is trasferimentos, in bista de su cunsighimentu de sa majore utilidade colletiva, in s'àmbitu de is finalidades sotziales.
2. S'Unione esplicat sa faina sua cun autonomia gestionale, finantziària, contàbile e patrimoniale.
3. Su regulamentu de contabilidade individuatu mètodos, inditadores e paràmetros pro sa valutazione de is resurtados de sa faina istituzionale e de is fenòmenos gestionales.
4. A s'Unione s'aplicant is normas subra de s'ordinamentu finantziàriu e contàbile de is entes locales, cunforma a su D.Lgs. n. 267/2000.

### Art. 27 - (Patrimòniu)

1. S'Unione tenet unu patrimòniu pròpiu costituitu dae benes mòbiles e immòbiles, cumpresos is fundos licidos derivantes dae cunferimentos de is EE.LL. assotziados, dae trasferimentos de Regione, Istadu e Comunidade Europea e/o de àteros entes e de achirimentos sutzessivos.
2. Is benes de s'Unione sunt inventariados segundu is normas istabilidas in su regulamentu de contabilidade.
3. Est acumandadu a s'Assemblea Generale s'aprovazione de s'apòsitu Regulamentu de contabilidade chi disciplinat aici puru is modalidades de cunferimentu de is risursas dae banda de is entes sìngulos.

### Art. 28 - (Trasferimentos pro partetzipazione a is ispesas)

1. S'Unione, cando chi non potzat finantziare is ispesas netzessàrias a su funtzionamentu suo cun mèdios pròpios, bènnidos dae cànones, tarifas e contribuidos esternos, providit a mòvere custu ònere subra de is entes aderentes segundu is lìnias ghia istabilidas dae s'Assemblea Generale.
2. Is entes aderentes tenent s'òbrigu de versare a sa tesoreria de s'Unione, a trimestres antitzipados, comente si siat intro su primu mese de cada trimestre, una cuota uguale a unu de bator de sa summa dèpida e iscrita in su bilantzu preventivu aprovadu.

### Art. 29 - (Cuntratos e apaltos)

1. Su regulamentu de is cuntratos disciplinat is apaltos de traballos, is fruniduras de benes, is bèndidas, is achistos, is pèrmutas, is pesonamentos e s'afidamentu de servìtzios a su sòlitu, in cunformidade de is disponimentos prevididos pro is aziende ispetziales e de is printzipes fissados dae sa normativa de setore.
2. Su regulamentu determinat, in prus, sa natura, su limite màssimu de valore e is modalidades de esecuzione de is ispesas chi s'Unione podet sustentare in economia.

## CAPU V Vigilàntzias e controllu

### Art. 30 - (Rimotzione e suspensione)

1. Is cumponentes de s'Assemblea e de su Cunsìgiu de Amministratzione podent èssere remòvidos e suspesos dae sa càrriga, in is casos e cun is formas prevididas dae sa lege.

### Art. 31 - (Collegamentu cun is Entes)

1. S'Unione, pro more de assicurare una informatzione costante subra de sa faina sua, trasmitet a cura de su segretàriu, a is Entes assotziados còpia de is deliberatziones assùmidas dae is Òrganos de s'Unione. Favoresset, in prus, sa vigilàntzia de is Entes aderentes pro mèdiu de comunicatziones formales o consultatziones, segundu su chi est prevididu dae s'atu costitutivu.

2. Su Presidente est obligadu a frunire, segundu is modalidades istabilidas dae su regulamentu e segundu is relativas cumpetèntzias, is noas e is informatziones rechertas dae is Cunsigeris de is entes aderentes, pro more de cunsentire su mègius esertzìtziu de sa funtzione de controllu.

3. Su Presidente cunvocat, cun cadèntzia annuale, sa cunferèntzia de is cunsigios comunales de is comunos aderentes a s'Unione.

### Art. 32 - (Interventos de is Amministradores)

1. Is cumponentes de s'Assemblea e de su Cunsìgiu de Amministratzione, e finas is cunsigeris comunales aderentes, tenent deretu a otènnere dae is ufitzios de s'Unione totu is noas, is informatziones e is còpias de is atos, ùtiles a s'acumprimentude is mandadu issoro.

2. Is sugetos cunforma a su coma 1, sunt obligados a su segretu, in is casos prevididos dae sa lege e dae s'apòsitu regulamentu.

### Art. 33 - (Revisione econòmica e finantziària)

1. Su Cunsìgiu de s'Unione eleghet unu Revisore.

2. Su revisore est seberadu segundu s'art. 234 de su D.Lgs. n. 267/2000. A issu s'aplicant is càusas de ineligibilidade e de decadèntzia previdida dae sa lege. Abarrat in càrriga tres annos, est revocàbile pro iscumprimentu de su mandadu suo e podet èssere torradu a elègere una borta isceti.

3. Su Revisore tenet deretu de atzessu a is àutos e documentos amministrativos de s'Unione e, s'incasu, de is Comunos partetzipantes, finas de is istituziones suas e podet depositare propostas e comunicatziones a is òrganos de governu.

4. Su Revisore collàborat cun su Cunsìgiu de s'Unione in is funtziones de controllu e de indiritzu; esèrtzitat, segundu is disponimentos de su Regulamentu de Contabilidade, sa vigilàntzia subra sa regularidade contàbile e finantziària de sa gestione e atestat sa currispondèntzia de su torracontu a is resurtàntzias de sa gestione etotu, redatende relatzione apòsita chi acumpàngiat sa proposta de deliberatzione cunsiliare de su Contu Consuntivu de s'Unione e de is istituziones suas.

5. Su Revisore rispondet de sa veridade de is atestatziones suas e acumprit a is doveres suos cun sa diligèntzia de su mandatàriu. Cando chi siat averiguadas irregularidades graves in sa gestione de s'Ente, nde referit deretu a su Cunsìgiu de s'Unione.

## CAPU VI TRASPARENZIAS - ATZESSU - PARTETZIPATZIONE

### Art. 34 - (Trasparèntzia)

1. S'Unione informat s'atividade sua a su printzìpiu de sa trasparèntzia; pro more de custu totu is atos de s'ente sunt pùblicos e abertos a is tzitadinos, pro garantire s'impartzialidade de sa gestione.
2. S'Unione, pro more de favorire s'ispartzinamentu prus ampru de is noas subra de sa faina pròpia, impreat mèdios, retentos idòneos, chi is tècnicas modernas de comunicatzione cunsentint.
3. A su cumintzu e a sa fine de su mandadu o de s'incàrrigu is componentes de su Comitadu esecutivu, comùnicant is rèdditos possididos. Is modalidades de presentada, de depòsitu e de publicatzione de is datos relativos, sunt istabilidas dae su regulamentu pro su funtzionamentu de is òrganos.

### Art. 35 - (Albu de is publicatziones)

1. S'Unione tenet un'albu pro is publicatziones de is atos, chi pro disponimentu de lege depent èssere postos a connoschimentu de su pùblicu. Custos àutos, paris cun s'afissione in s'albu, depent èssere trasmitidos a is Comunos assotziados.
2. S'Unione depet garantire sa màssima atzessibilidade de is àutos afissados a totu is tzitadinos.

### Art. 36 - (Atzessu e informatzione)

1. S'inghitzu de su protzedimentu amministrativu, cando chi non ddoe siant àteros bisòngios apretosos de evidentziare in su providimentu, depet èssere comunicadu a is interessados e a is chi issu potzat èssere motivu de pregiudìtziu in manera indireta.
2. Is tzitadinos, portadores de interesse pùblicos e privados, chi potzat derivare unu pregiudìtziu de su providimentu, finas is propietàrios de interesiso difùndidos costituitos in assòtziu o comitadu, tenent facultade de intervènnere in su protzedimentu. Issos podent pigare bisone, francu in is casos de proibitzione prevididas dae sa lege, de is relativos atos e presentare memòrias iscritas e documentos, chi s'Unione depet valutare cando chi siant pertinentes a s'ogetu de su protzedimentu.
3. Su regulamentu de s'adotare intro tres meses dae s'intrada in vigèntzia de s'Istatutu, istabilit is modalidades de informatzione e de atzessu de is tzitadinos sìngulos o assotziados a is atos de s'Unione e de interventu in is protzedimentos amministrativos.
4. Su regulamentu, in prus: determinat is tempos de cada tipu de protzedimentu, individuatu, pro cada providimentu de cumpetèntzia, su responsàbile de su protzedimentu e sa durada màssima sua; determinat su tempus intro su cale is sugetos interessados podent presentare osservatziones e s'amministratzione si depet pronunziare; inditat su sugetu cumpetente a emìtere su providimentu finale.
5. S'amministratzione, regollende is osservatziones propostas, presentadas cunforma a su segundu coma, podet concuire, sena pregiudìtziu de is deretos de tertzos, persighende in cada casu su pùblicu interessu, acòrdios cun is interessados pro more de determinare su càbidu discretzionale de su providimentu finale. Is modalidades de custos acòrdios sunt disciplinados dae sa lege.

### Art. 37 - (Partetzipatzione)

1. S'Unione, cun s'adotzione de apòsitos providimentos, fissat is modalidades pro sa verifica de sa calidade de is servìtzios erogados, providende cada forma possibile de partetzipazione consultiva de is impitadores.

2. S'Unione, a custu iscopu, est impinnadu: -

a) A assegurare chi siat donada risposta iscrita lestra a is reclamos de is impitadores;

b) A promòvere assembleas o addòbios rechertos dae assòtzios o dea grupos de impitadores, pro more de discutire propostas pro assegurare sa mègius gestione de is servìtzios;

c) A predisponnere publicatziones divulgativas pro more de acrarire a is tzitadinos is datos essentziales de is fainas de s'Unione e is modalidades de gosamentu de is servìtzios.

3. S'Unione, predisponet, avalende-si, acantu est netzessàriu, de entes e istitutos de esperièntzia e seriedade cumprovada, chircas e istùdios subra su livellu de agradessimentu de is servìtzios ofertos a is tzitadinos. Is resurtados de custas chircas sunt comunicados a is entes assotziados.

Art. 38 - (Assotziatzionismu e voluntariadu)

1. S'Unione, in s'esertitziu de is fainas de cumpetèntzia sua, si podet serbire de sa collaboratzione, in particulare in is setores de sa preventzione, de is assòtzios de voluntariadu, pro more de megiorare sa calidade de is servìtzios donados, de ofèrrere servìtzios noos, de reduire is custos de gestione.

CAPU VII - Normas finales e transitòrias

Art. 39 - (Òrganos de governu)

1. S'Unione devenit operativa a pustis de s'eletzione de is òrganos suos.

Art. 40 - (Àutos regulamentares)

1. Finas a s'emanatzione de is regulamentos pròpios e autònomos, s'Unione àplicat is regulamentos atuativos de s'Istatutu de su Comunu de su presidente eletu, pro ite cumpatìbiles cun s'Istatutu presente; su Presidente de s'Unione, intesu su Segretàriu, si proòcupat in oghna manera de risòlvere eventuales problemas interpretativos in base a is prìntzipes detados dae su presente Istatutu.

2. Su Cunsìgiu de Amministratzione est incarrigadu de presentare a s'Assemblea Generale, intro un'annu dae s'insediamentu suo, sa proposta pro s'adotzione de is regulamentos.

Art. 41 - (Bilantzu, organizatzione de is ufìtzios e de is servìtzios)

1. Finas a s'adotzione de su fundu orgànicu de s'Unione, pro permìtere s'acumprimentu normale de is còmputos e de is funtziones, si ricurret a s'impreu fintzas a tempus partziale de su personale de is comunos aderentes a s'Unione in is formas cunsentidas dae sa lege.

2. Is s'ingulos Comunos partetzipantes costituint unu fundu de ispesas chi sa finalidade, entidade e modalidade de versamentu at a èssere istabilida in sa prima setziada dae su Cunsìgiu.

3. In isetu chi s'Ente si potzat dotare de un'assentu e de un'orgànicu definidu in manera cumprida, su Presidente atribuit in capu a su Segretàriu de s'Unione is cumpetèntzias de is titulares de is Ufìtzios de s'Unione.

Art. 42 - (Primos acumprimentos e trasferimentu de is cumpetènzias)

1. Su trasferimentu de is cumpetènzias a s'Unione pro manu de is s'ingulos Comunos, in manera unida a is relativas risursas finantzàrias e personales, est dispostu segundu su chi est istabilidu dae s'art. 8 cun atos de su Cunsìgiu Comunale.

Art. 43 - (Capatzidade normativa de s'Unione: ineficatzidade de is normas regulamentares comunales incumpatibiles)

1. S'Unione possedit, in manera limitada a s'ogetu de is atributziones pròpias, sa matessi capatzidade normativa torrada a pònnere dae sa lege a is Comunos.

2. Sa règula cunforma a su coma pretzedente tenet eficatzidade dae su momentu chi assument esecutividade is atos de s'Unione deputados a ddos remplassare.

Art. 44 - (Afidamentu de su servìtziu de tesoreria)

1. In sa fase transitòria e finas a sa data de definitzione de sa gara, su servìtziu at a èssere afidadu in manera provisòria a su tesoreri de unu de is Comunos de s'Unione.

Art. 45 - (Cambiamentos o abrogos de su presente Istatutu)

Is propostas de cambiamentu de su presente Istatutu sunt deliberados dae s'Assemblea de s'Unione a majoria assoluta dae is Cunsigeris in càrriga.

Is propostas de muda sunt imbiadas a is Cussìgios de is Comunos faghende parte de s'Unione is cales depent deliberare a su riguardu intro 30 (trinta) dies dae su ritzevimentu, cun votu favorèvole de is 2/3 de is Cunsigeris assignados. Sa proposta de muda si cumprendet aprovada cando sa totalidade de is Comunos cumpontes s'Unione deliberet in modu favorèvole. Is Cussìgios Comunales ant a imbiare a su Presidente de s'Unione s'atu deliberativu de muda istatutària intro 5 (chimbe) dies dea s'esecutividade de su matessi. Su Presidente at a providire a pònnere a s'òrdine de sa die de s'Assemblea Generale s'aprovazione definitiva de s'atu.

Cun perioditzidade a su mancu biennale s'Assemblea Generale, subra sa base de una relatzione de su Presidente, v'atut in setziada apòsita s'istadu de atuatzione de is presentes normas e finas s'adequadesa issoro in raportu a s'evoluzione de is bisòngios de s'Unione e de sa comunidade sua, finas a sa dinàmica de su quadru legislativu de riferimentu.

Art. 46 - (Norma de rinviu)

1. Pro cantu no est prevididu in su presente Istatutu, a s'Unione s'aplicant, si cumpatibiles, is disponimentos de su T.U. de is leges subra de s'ordinamentu de is Entes Locales.

Art. 46 bis – (Norma transitòria)

Finas a sa costituzione de is òrganos istatutàrios is atos de cumpetènzia de is òrganos remonados, cumpresas is mudas e/o abrogatzones de su presente istatutu, sunt deliberados dae is cunsìgios de is comunos faghende parte de s'unione.

Art. 47 - (Intrada in vigèntzia)

1. Su presente ISTATUTU esplicat is efetos pròpios, una bia istipuladu s'atu costitutivu e a pustis de publicatzione pro 30 (trinta) dies in su B.U.R.A.S. e a s'Albu Pretòriu de is Comunos chi formant s'Unione.

SU PRESIDENTE SU SEGRETÀRIU DE S'UNIONE

Dr. Silvestro Fucas      Dr. Alberto Sciola